

موزة همایون

قورشون مهر قبا و شجارت

عرب و عرب - یزانتین و عثمانی قورشون مهر لینه مخصوص صدر

اثر

خلیل ادهم



معارف نظارت جلیله سنک امریله طبع اولمشدر

قسطنطنیه

محمود بك مطبعه سی

۱۳۲۱

Constantinople

MUSÉE IMPÉRIAL OTTOMAN

SECTION DES MONNAIES MUSULMANES

CATALOGUE

DES

SCEAUX EN PLOMB

Arabes, Arabo-Byzantins et Ottomans

PAR

HALIL EDHEM

Publié par Ordre du Ministère Impérial de l'Instruction Publique

CONSTANTINOPLE

Imp. Mahmoud Bey

1904



0 1132 0164256 9
Museum of Fine Arts, Boston

موزه هایونك نشر ایلدیکی آثار عتیقه قتالوقلری


غروش	مسکوکات عتیقه اسلامیه قتالوقلری :
۲۵	برنجی قسم : ملوک ترکیه مسکوکاتی (ترکیه)
	۸ رسملی لوحه یی حاویدر
۴۰	» » » (فرانسزجه)
	ایکینجی قسم : خلفای راشدین . خلفای امویه وعباسیه وفروع
۴۰	عباسیه مسکوکاتی (ترکیه) ۵ رسملی لوحه یی حاویدر
	اوچنجی قسم : ملوک جنکیزیه وایلیخانیه وقریم خانلری مسکوکاتی
۲۵	(ترکیه) ۴ رسملی لوحه یی حاویدر
	دردنچی قسم : خواقین ترک وسلاجقه وفروعی الخ مسکوکاتی
۴۰	(ترکیه) ۷ رسملی لوحه یی حاویدر
	بشنجی قسم : فاطمیون . ایوبیون وحمالیک مصر مسکوکاتی
	(ترکیه) دردست طبعدر
۱۰	قورشون مهرلر قتالوغی : عرب و عرب - بیزانتین و عثمانلی قورشونلری
۵	لخود و مقابر عتیقه قتالوغی (ترکیه) ایکینجی طبعی
۵	» » » (فرانسزجه) » نسخه سی قالمیشدر
۳	آثار هیکل تراشی قتالوغی (ترکیه)
۳	» » » (فرانسزجه) نسخه سی قالمیشدر
۵	آثار حمیرییه و تدمیرییه قتالوغی (ترکیه)
۵	» » » (فرانسزجه)
۵	آثار مصرییه قتالوغی (ترکیه)
۵	» » » (فرانسزجه)
۵	طونج و مزیناته دائر آثارك قتالوغی (فرانسزجه)
۱ ۱/۲	رهنا (ترکیه)

مُؤَرَّاهُ سَائِلُونَ

قُورْشُونْ مَهْرَقَبَالِوْ شَجَاهْ

عرب و عرب - بيزانتين و عثمانی قورشون مهرلرینه مخصوص صدر

اثر
خلیل ادهم




معارف نظارت جلیله سنک امریله طبع اولغشدر

قسطه طینییه

محمود بك مطبعه سی

۱۳۲۱



باعث احيای ملک و ملت اولان شوکتلو قدرتلو ولی نعمت بینتمز
پادشاهمز افدمنز حضرتلرینک سایه معالیوایه حضرت خلافتپناهیلارنده
علوم و فنونک هر شعبه سنده مشهود دیده ابتهاج بولنان ترقیات
کونا کوندن موزه هایون دخی الک زیاده حصه یاب مفخرت اوله رق بر
حال مکملیت کسب ایله مکده بولمنش و کچنده مسکوکات اسلامیه قتالوغنک
دردنجی قسمی دخی طبع و ترتیب قلمشدر . بومیانده اوله رق بوکره
دور اسلامه عائد بولنان قورشون مهرلره مخصوص اشبو قتالوق دخی
موزه هایونده موجود بوقییل مهرلرک معرفی و بناء علیه الیه بولنان
قتالوغلرکده مدار تکمیلی اولوق اوزره وضع موقع انتشار قلمشدر .

موزه هایون مدبری

فی ذی القعدة ۱۳۲۱

حمیدی

❦ مدخل ❦

موزۀ هایونده بر خیلی وقتدنبری جمع وتلفیق اولئان وعددی همان ایکی بیکی تجاوز ایدن قورشون مهرلرک قسم کایسی بیزانتین دورینه وپک آز مقداری ده عرب ویاخود عثمانلی دورلرینه منسوب اولوب بیزانتینلر زمانندن قالمه اولانلرک قسم اعظمی استانبول وجوارنده کرک بعض تملرک حفری ائلسنده وکرک برلدوسدن صکره ساحل بحره آتیلان قوملرک ایچنده ظهور ایتکده در . بوقورشونلر میانده بعضاً برطرفی عربجه ودیکر طرفی روجه یازی ورسم ایله محرر اولنلرده واردر .

اشبو (عرب - بیزانتین) طرزنده کی مهرلرک نه درجه نادر اولدینی شوندن دخی اکلاشیلورکه موزۀ هایونده موجود اولوب اون ددرت عدددن عبارت اولان مهرلر شمعی به قدر معلوم اولان قولکسیونلرک اکمکمللرندن عد اولته بیلور .

صرف عربی خط و عبارتی محتوی اولان مهرلرک کانهجه بونلرک شمعی به قدر استانبول وجوارنده طبراق ایچنده بولندینی بزجه مجهولدر . پک بیوک نوادر ایدن اولان بوقورشونلرک سوریده ویاخود خطۀ عراقده ظهور ایلدیکی مرویدر . موزۀ هایونده بولئان عرب قورشونلرینک قسم اعظمی اشترا صورتیه تدارک ایدلمشدر .

اشته شو کوچک قنالوقده مذکور عرب قورشون مهرلرله عرب - بیزانتین طرزنده کی مهرلر و عثمانلی مهرلری وسائر بعض قورشونلر موضوع بحث اوله جقدرکه مجموعه نک عددی انجق یتش قدر اولدینی حالده ندرتارینه نظراً مهم بر قولکسیون تشکیل ایتشدر .

علی العموم قورشون مهرلر ، کرک حاوی اولدقلری عبارات وکرک شکل و هیئتلری واسطه سیله بز صورت قطعیه ده محل استعماللرینی بیلدیرر . طبق بوکون کمرکلرده . پوسته لرده و بانقه لرده صندقلری ، اماناتی

وطور به لری و یا خود بعض اوراق رسمیه یی (قورشونامق) اصولی جاری اولدینی کبی ازمنه سالفده دخی عین حال فقط دها بیوک بر مقیاسده واقع اولور ایدی . بیزانتینلر زمانندن نشأت ایدن بیکلرجه قورشون مهرلرک عبارتانه کورد ایمپراطورلردن و پطریقلردن بدأ ایله تااڭ کوچک مأمورلرد و ارنجهیه قدر بویله مهرلر قولانلانی کبی بعض اعیان بلده وکشی زادهلر دخی کندولرینه مخصوص فاملیا مهرلریله تمغا وضع ایدرلر ایدی . حتی بعض اوراق رسمیه نک و یا خود کیسه لرک مسکوک التون مهر ایله دخی مهرلندیکی^[۱] معلوم و (بول) تسمیه اولنان بوالتون مهرلردن بر قاجی بعض موزلرده محفوظدر .

خلفای امویه و عباسیه و فروع عباسیه زمانندن قالمه مهرلرک ویرکو و جالیه امورنده و سائرده استعمال اولندیگی اگلاشیله یور .

قورشون مهرلرک تصنیف و مقایسه سندن نه مهم نتیجه لر استحصال ایدیله چکی و تاریخه نه یولده خدمت اولنه جفی آشکاردر . امور دول عتیقه یه عائد اولان بر چوق عادات ایله مناصب مختلفه نک درجاتی و یکدیگرینه مربوطیتی بو کوچک قورشونلر واسطه سیله اگلاشلدینی کبی اوزرنده محکوک بولنان ارکان دولت و یا خود فاملیا اسملریله تاریخلری کندولرینک قنئی زمانلرده یشادقلری ونه کبی خدماتده بولندقلری نی بیلدیرر . بو صورته طبق مسکوکات قدیمه نک تصحیح و تعیین توارینخده ایتدیکی خدمتی قیماً بوقورشونلر دخی کوریر . بناء علیه آثار عتیقه قولکسیو-نجیلرینه بر مدتدنبری بونلر دخی بر یکی یول آچمشدرکه نه قدر زیاده طوبالانسه ونه قدر تدقیق اولنسه او قدر زیاده استفادینی موجب اولور . چنوق کره قورشون مهرلرک اوزری اسمر رنکده سرت بر جلا ایله مستور اولدینی حالده بولور . بونلرک دور زمان ایله بوزولوب تحال ایلدکاری مشاهده اولنماشدر .

انجق قورشون طوبالایخیلرینی مأیوس ایده جک بر جهت واردکره

[۱] فریدون پاشا : نزه الاسرار والاخبار فی اخبار احوال غزای سکتوار

اوده بوقورشونلرك بعضيلرى طوپراقدن چيقوب برمدت هوا ايله تماس ايتدكده تحمض ايله اوزرندە بياض برطوز حاصل ايدرك يواش يواش يازى و رسملرك غائب اولوب نهايت بتون بتون قورشونلر طاغيلوب محو اولميسيدر . بوكا قارشى هيچ برچاره بولنه مامشدر . بوكيفيت اوروپانك سائر شهرلرندە حفظ اولنان قورشونلردە دها زياده كورلمكدەدر . هر تقدیر بعض كتابلردە قورشونلرى ياغه باتيرمق ، اوزرلرينه برنوع ورنى سورمك و ياخود ياغلى كاغدلره صارمق كېي برچوق معاملانله محودن محافظه يوللارى كوسترلمش ايسهده هيچ برينك برنتيجه حسنه توليد ايدمديكي تجارب عديده ايله ثابت اولمشدر .

طوپراقدن تازه چيقان قورشونلر ايله دكز كنارندە بولنانلر بينندە فرق واردر . طوپراقدن چيقان قورشونلردە يازى و رسملرك آراسى على الاكثر سرتشمش طوپراق ايله ملودر . دكزدن چيقانلر ايسه صدمات امواج ايله قوم و طاشلار سورتيكندن اكثرياسطحلرى آز چوق آشمشدر . هرايكى صورتهده بونلرى مهممامكن تطهير ايتمك لازمدر . اولاملاصق اولان كير و طوپراغى يموشاتمق ايجون برمدت صغوق صو ايچنده براقهرق آره صيره ياش برفورچه ايله فورچهلور .

چاقى و ياخود ديكر معدنى برسرت اوج ايله قازيمقدن اجتناب ايتمليدر . چوق دفعه لر يازى و رسملرك اوزرندە بوبرك كېي قبارتيلار حاصل اولمشدر . بونلر قورشونك اساسنه ايشله مش اولديغندن برطرف ايدملرى غير قابلدرد . بعض دفعه ايسه يازيلرك اراسنده كى مواد اجنبيه فورچه ايله دخى چيقمديغندن بر كوچاك اغاچ پارچه سى اوجى ايله كيدريابه بيلور . هر حالده طوز روحي و سائر كېي خامضات قورشونه تاثير ايدمكچكندن اصلا قوللانماز .

علم مسكوكات اربابندن موسيو (استيقل) ، سركه نك قورشونه تاثير ايتمديكندن بحث ايله ، سطلچندن چيقميان طوپراغك ازاله سى ايجون قورشونى

سرکه ایچنده قایناتنی توصیه ایده یور . بوسورتله اولدقیچه تطهیر اولنان
 قورشونک برمدت صکره نه حال اخذ ایلدیکنی تجربه ایتک لازمدر .
 بومسئله نك بوقدر تطویلندن مقصدمز یکی الده ایدیلن برقورشون
 تمامیه اوقونور برحالد ایه اصلا تطهیره قالقشلمیه رق درحال یازیلرینی
 حل و قرائت ایتک و برده دقتلیجه رسمی یاییله رق برقالین کاغده
 صاریلوب صاقلامق و یالکز یازیلری طوبراق ایله مستور اولانلری
 تمیزله مک و ذاتاً بوزولمغه یوز طوتمشلیری علی حاله محافظه ایتک
 لازم کلدیکنی بیلدیرمکدر .

(۱)

عرب قورشونلری

صرف خط عربی ایله محرر اولوب آئیده مختصر آعریف ایدیان قورشون مهرلر موزده هایون قولکسیونلرینه ادخال ایدلمدن اول فرانسه مستشرقیندن موسیو (قازانووا) طرفندن سائر اوتوده بریده موجود اولان برقاج مهر ایله برلکده بر مقاله طرزنده فرانسه فن مسکوکات رساله موقوته سنده [۱] نشر و برچونگک رسمارینی دخی درج ایلمش ایدی. بوقورشونلرک محتوی اولدینی یازیلرک حل و قرائتی نه قدر مشکل و بعضاً کونلرجه اوغراشمغه محتاج اولدینی نظر دقته النور ایسه بوبایده موسیو قازانووانک همت و اقتدارینی تقدیر ایتماک قابل دکلدر. مع مافیه بوبیک ستهلک اشای نادره موزده هایونه الحاق ایدلکدنصکره بعضیلری تطهیر اولنهرق قرائتلرنده تصحیحات جزویه اقتضا ایتدیر. مشدر. بوقولکسیونک حاوی اولدینی قورشونلرک قسم اعظمی ایرانده واقع همدان دن کلدیکی مرویدر، یالکز برقاج عددی استانبولده تدارک اولمشدرکه انلرک دخی عباردهلرینه نظراً خطه عراقدن و یاخود ایراندن کلش اولسی اغلب احتمالدر.

بوکی قورشونلره دائر الک اول علم مسکوکات اربابندن متوفی موسیو (استیقل) آلمان جمعیت شرقیه سی رساله موقوته سنده [۲] اوزون ومهم بر مقاله درج ایلمشدرکه بومقالده جنرال بارطولومهئی طرفندن آلمانیاده واقع (ینا) دارالفنونی مسکوکات قایینه سنه اهدا اولنان طقوز عدد قورشونی برصورت علانده قرائت ایلمش ومهرلرده مذکور اولان

[۱] P. Casanova, Seeaux arabes en Plomb; Revue Numism. 3. Série, T. 12, 1891, pg. 97.

[۲] Stückel, Neuentdeckte kufische Bleisiegel und Verwandtes, Zeitschrift d. deutsch. morgenl. Gesellsch; B. XX, 1866; pg. 336.

كرك حكمدار وقصبة اسمارینه وكرك سنه لرینه دائر تتبعات عیقه ده بولمیشدر . غریبدرکه بوقورشونلر دخی ایرانده وباخصوص همدانده طویلانمیشدر . بونلر میاننده بر دانه سی بزم قولکسیونده ۲۰ نومرولی قورشونك عینی اولوب عبارده لری بر درجه یه قدر یکدیگری تکمیل ایده یور . بو نوع قورشونلرک ، تاریخی اعتبار یله ، اک اسکیمی موسیو قارمون- غانونک نزدنده اولوب خلفای امویهدن هشام بن عبدالملک نامنی حاویدر [۱].

موزه هایون قولکسیوننده کی عرب قورشونلری خلفای عباسیه دن ابوجعفر عبدالله المنصور (۱۳۶-۱۵۸) زمانندن بدأ ایدوب یازیلری قارتمه اوله رق بعضاً کوفی ، بعضاً کوفیدن بوزولمش خط عربیدر . شکللری درت کوشه ، بعضاً مدور ونادراً اوچ کوشه لیدر . هان کافه سنک ایچنده بر طرفدن دیگر طرفه بر ویا متعدد دلکله وارددرکه بونلردن بریره ربط اولمقی اوزره تل کچر ایدی . بو قورشونلرک بر قاجی مستثنای اولمق اوزره دیگرلرینک یالکیز بر طرفی محرردر . بونلر بر اوفق تیمور قاب ایچنه دوکلدیکی و بعضاً بو قابلرک ایچنه بر بزدخی قولنمش اولدینی قورشونلرک ارقه سننده کوریلان تیمور پاسی و بزرک انطباعاتدن اکلاشیلور . یازی یی حاوی اولان تیمور قاب قورشون صغومغه باشلادینی وقت باصلمش اوله جقدرکه — طبق شمیدیکی مهر بالمومنک انطباعاتنده اولدینی کبی — علی الاکثر یازینک کنارلری طیشاری طوغری طاشغین وقباریق قالمیشدر . ایکی طرفی محرر اولانلره کلنجه بونلرک اسکیدن سکه ضربنه مخصوص قابلر ایله باصلمش اولدقلرنده شبهه یوقدر .

[۱] موسیو قازانووا نك بالاده بیان اولنان مقاله سنه مراجعت اولنه.

خلفای عباسیہ زمانی

ابوجعفر عبداللہ المنصور زمانی

۱۳۶ — ۱۵۸

— ۱ —

تاریخی
۱۲۷
۱۲۹

اورتہ دہ: .. سنہ سبع واربعین

.. مئة فی شہور

سنہ تسع

واربعین و مئة

اطرافندہ:

... لامیر جعفر .. | مؤمنین اکرمہ .. | موی محلمہ سا (?) |

قولکسیونندہ موجود عرب مهر لرینک اک اسکیمی اولان
بومہرک اطرافندہ کی یازیلر غایت بوزوق اولدیغندن تمامیلہ حل و قرائت
اولنہ میور. موسیو قازانووا مقالہ سندہ (نومرو ۲) «... الامیر جعفر بن
میر المؤمنین اکرمہ اللہ | موسی (۴) مختلفہ» کبی قرائت ایدوب بو
مہر المنصورک اوغلی جعفرک اسمنی طاشیدینی و اوچنجی پارچہ دہ
«موسی مختلفہ» کبی قرائت اولندیغنی حالہ مہرک اورتہ سندہ مندرج
ایکی درلو تاریخک سبی اکلاشیلہ جغنی در میان ایدہ یور. فی الواقع ۱۴۷

و ۱۴۹ سنه لرینک بردن یازلمسی شایان دقت ایسه ده دوره سنده کی یازینک نقصان و بوزوق اولسندن طولانی بر معنا ویریه میور .
 مسکوکات سلجوقیه ده بویه ایکی تاریخی سکه لره تصادف اولندیغی واردر [۱]. از جمله علاء الدین کیقباد اولک محل ضربی محرر اولمیان بر کموش سکه سنده یازی ایله « سنة خمسة عشرین و ستمائة » بولندیغی حالده ظهرنده رقم ایله ۶۲۴ مضروبدر .
 مہرک ارقه سی آزقباریق اولوب بر بز اوزرینه دوکشددر . تلک کچدیکی دلیکلر دخی کوریلور .
 قطر لری ۲۱×۲۵ میلیمترو

ابوالفضل المتوکل علی الله زمانی

۲۳۲-۲۴۷

- ۲ -

تاریخی ۲۴۵



الفضل بن

اورته ده :

احمد

اطرافده : ... | سنة خمس | واربعین | و مائتین |
 قورشون اولدقجه تحلل ایتمکه باشلا دیغندن کنارنده کی یازینک ایملک قطعہ سی اوقونه میور . موسیو قازانووا (نومرو ۴) ابتداسنی « برکة من الله (?) » کی قرائت ایتشددر .
 ارقه سنده تل کچمک ایچون اوزونلغنه بر دلیک واردر . قطر ی ۱۵×۱۸
 [۱] مسکوکات قدیمة اسلامیه قتالوغنی ، قسم رابع ، صحیفه ۱۷۲ ، نومرو ۲۷۶

ابوالعباس احمدالمعتضد بالله زمانی

۲۷۹—۲۸۹

— ۳ —

تاریخی ۲۸۰



اورتده : جالیة ماه
الكوفة لسنة
ثمانین ومائتین

اطرافنده : بسم الله برکة | عبدالله المعتضد | بالله امیر | المؤمنین اعزه الله
« جالیة » کلمه سنه بوراده ایلک دفعه تصادف ایدیله یور . فقط بوندن
صکره کی مهر لرده مکرراً کوریله جکدر . موسیو استیقل بالاده ذکر ی
سبقت ایدن مقاله سنده بو کلمه یه دائر برچوق معلومات ویرمشد . قاموس
ترجمه سنه نظراً جالیة اهل ذمتک تکالیفیدر . بناءً علیه برنوع « ویرکو »
دیمکدر . ماه الکوفه ایرانده واقع « دینور » قصبه سنک اسمیدر . بو مهر
ایله ۲۸۰ سنه سنده ماه الکوفه نک ذمیاتی تمغالتمشد .
مهر بز اوزرینه دوکلدیکندن بزک نسجی وتلك کچدیکی دایک
موجوددر .

قطری ۱۸ × ۲۱

— ۴ —

تاریخی ۲۸۳



اورتده :

[ل] عبدالله احمد
 الامام المعتضد
 بالله مما امر به عامه
 محمد بن الحسين الجالية
 بهمدان لسنة ثلث
 وثمانين ومائتين

اطرافنده : بسم الله | .. بركة (?) .. | |

المعتضدك زماننده و ۲۸۳ تاریخنده محمد بن الحسين نامنده بر والی
 واسطه سیاه تحصیل اولنان همدان ویرکوسنک مهرلندیکی قورشونلردندر.
 مهرک ارقه می یحی اولوب قالین بربر اوزرینه دوکمشدر .

قطری ۲۲ × ۲۵

— ۵ —

تاریخی موضوع دکلدر



اورته ده :

علی

یدی محمد

بن اسحق

دوره سنده : لعبدالله ابی [العبا] س معتضد بالله امیرالمومنین
 بومدور قورشون دیکرلرینه نسبة اولدقجه اینجه اولوب ظهرینک
 اورته سنده برقباریق واردرکه تل اورادن کچشمدر.
 اورته ده اسمی اوقونان « محمد بن اسحق » کیم اولدینی معلوم دکلدر .
 هر حالده « علی یدی » تعبیرله بومهری اعمال ایدن دیمک اولیوب اکثریا
 سکه لرك اوزرلرنده دخی بولندینی وجهله قدیمآ والیر طرفندن قضا لرك
 اداره سنه تعیین اولنان مأمورلر اکلشمالیدر .^[۱]
 قطری ۲۰

[۱] مسکوکات قدیمه اسلامیة قناووغی ، قسم ثانی ، مدخل ، صحیفه سه .

ابو محمد علی المکتفی بالله زمانی

۲۸۹ — ۲۹۵

— ۶ —

تاریخی ۲۹۴



بسم الله لعبد الله

المكتفی بالله [۱]

حمد بن محمد

سنة اربع وتسعين

ومايتين *

احمد بن محمد بر مأمورك اسمی اوله جقدر. بشنچی سطرده چیچکدن
صکره بر اشارت واردرکه اکثریا سکه لرده مستعمل اولان (خ) ویاخود
(واف) کبی برکله اولسی محتقدر. بوقورشون زیاده جه تحال ایتمه
باشلامشدر.

فطری ۲۳

— ۷ —

تاریخی ۲۹۰



[سنة]

اورته ده :

تسعين

ومئتين

حمد [؟]

اطرافنده : [بسم الله الا | امام الممك [تقی] | بالله امیر | المؤمنین

بومهرک قراستی غایت مشکدر ، مع مافیه تاریخی ایله اسم توافق
ایلدیکندن مکتفی باللهک زمانه عائد اولدیغنده شبه یوقدر .
بوزولمغه باشلامشدر .
قطرلی ۲۲ × ۲۰

~~~~~

ابوالفضل جعفر المقتدر بالله زمانی

۲۹۵ — ۳۲۰

— ۸ —

تاریخی ۳۱۱



[۱] بسم الله العبد

[۱] لله المقتدر با

لله اسحق بن [۰۰۰]

د سنة احدى

عشرة وثلاثه [ایه]

مسیو قازانووه [نومرو ۸] برنجی سطرده [لعبد] کبی او قومش  
ایسه ده لامک اولنده برده «الف» واردر . او چنجی سطرده (اسحق)  
کلمه سندن صکره (بن) پک ایو او قونور . بوندن صکره (العباد) کبی بر  
اسم واردر که بونک (د) حرفی دردننجی سطرده تصادف ایتشد .  
قورشون بوزولمغه باشلامشدر .

طری ۲۰

خليفة اسمی موضوع اولمیان

— ۹ —

تاریخی ۲۴۱



اطرافنده: بسم الله سكة | هل الذمة با | لکرج لسنة احدى | وابعین مایتین

ابراهيم بن

اورته سنده :

عبد الله

بو مهرک اطرافنی اولجه تطهیر اولمديغندن موسیو قازانووا تاریخی  
ایو حل ایدهمیوب فقط بعض اسبابه مبنی ۲۹۱ ایله ۲۹۴ اراسنده اولمسنی  
درمیان ایدهمیور .

مع مافیه قورشون تطهیر اولندقدن صکره سنه سنک ۲۴۱ اولدایغی  
شبهه سز او قونیور . اربعین کله سنده ( ر ) حرفی ( ب ) نک اوزرنده در .  
( مایتین ) کله سی ( ماس ) کچی محرردر .

قطری ۲۰



## آل ابی دلف یاخود عجلیون

عبدالعزیز بن دلف

۲۲۵ — ۲۶۰

— ۱۰ —

تاریخی ۲۵۶



قورشونلریمز میانده مثلث الشکل اوله رق یالکز بومهره تصادف اولنور .

مثلثک ضلعلرنده اوج سطر اوله رق :

جالیه الکرچ والبرج | المهدی بالله امیر المؤمنین | مامربه الامیر عبد اورته ده :

العزیز بن دلف سنه [ ]

ست و خمسين

وما

یتین

بومهر دخی تمیزلندکن صکره بعض یرلری ده ا یو قرائت اولنه بیلمشدر . مثلاً المهتدی « المهدی » کبی یازلمشدر . تاریخک ۲۵۵ یربنه ۲۵۶ اولدینی اکلاشلدی . « خمسين » پک ا یو او قونمور ایسه ده المهتدی بالله ۲۵۰ ایله ۲۵۶ اردسند حکومت ایتمش اولدیغندن بشقه برشی اوله ماز . ذاتاً المهتدی باللهک سکه لر ده غایت اندردر . موزۀ هایونده

سرمن رای ده مضروب ۲۵۵ تاریخی بر التون سکسی موجود در [۱].  
ارقمه سنده نلک کجی دلیک کورینور . قطری ۱۸

آل ابی دلف حصده تاریخ طبری وابن اثیرده برخیلی معلومات  
بولدینی کی بوسلسله نلک برنجیمی اولان ابو دلف قاسم بن ادریس عجلی،  
مؤلفین مشهوره دن اولمی حسابله ، ابن خلکانده کندوسنک ترجمه  
حالیده مضبوطدر. ابی دلف فاملیاسنه (عجلیون) دخی اطلاق اولنوب  
۲۱۰ دن ۲۸۵ سنه قدر دوام ایتشلر در [۲].

بوقولکسیونده ۱۰ نومرو دن ۱۸ نومرویه قدر اولان مهر لر  
آل ابی دلفه عائد اولوب بونلر ابودلفنک اوغلی عبدالعزیز ایله بونک  
اولادی اولان دلف واحمدک برده العزیز بن عمر دلفنک اسملرینی  
محتویدر. العزیز بن عمر دلفنک اسمنی حاوی بولنان مهر نومرو ۱۸ ده  
تعریف اولنلش ایسه ده مراجعت ایدیلان کتب توارینخده بوذاته دائر  
هیچ بر معلوماته دسترس اولنه مامشدر .

قورشونلرده اسمی سبقت ایدن (الکرج) شهری اصفهان ایله  
همدان قصبه لری اراسنده واقع اولوب ابودلف قاسم طرفندن تأسیس

[۱] مسکوکات قدیمه اسلامییه فتاوغنک قسم ثانییی طبع اولندقدن مسکوره  
الده ایدلشدر .

[۲] سنه ۲۱۰ ابودلف قاسم بن عیسی العجلی

• ۲۲۵ عبدالعزیز بن ابودلف

• ۲۶۰ دلف بن عبدالعزیز

• ۲۶۵ احمد بن عبدالعزیز

• ۲۸۰ سم بن عبدالعزیز

الی ۲۸۵

اولشدر [۱]. ینه اوجواردہ بولنان (البرج) شهری دخی آل ابی دلفک  
مماکی داخلندہ ایدی وبو ایکی قصبہ (ایفار) صورتندہ تکالیفی تأدیہ  
ایتکلرندن انلرہ (ایفاران) [۲] دنیلور ایدی. ایفار تحصیلدار کلکسزین  
طوغریجه سنوی بر مقنن ویرکوی مرکز حکومتہ کوندر مک دیمکدر. [۳]

[۱] یا قوت ، معجم البلدان : الکرج وهی مدينة بین همذان واصهبان فی  
نصف الطريق والی همذان اقرب ویضاف الیها کورة واول من مصرها ابو دلف  
القاسم بن عیسی العجلی . . . . ومن بروجرد الی الکرج عشرة فراسخ ومن الکرج  
الی البرج اثنا عشر فرسخا و بین الکرج وهمذان نحو ثلاثین فرسخاً الخ .

[۲] ینه اوراده : الایفاران بالکسر والفتح معجمة والف وراه والف اذری  
للاذبة ونون اسم لعدة ضیاع من عدة کور أوغرت لمیسی ومعقل ابی ابی دلف  
العجلی رحمه الله تعالى وقیل لها الایفاران ای ایفارا هذین الرجلین وهما الکرج  
والبرج الخ .

[۳] قاموس ترجمه سی ، جلد ۲ ، صیغه ۱۴۳ ، مطبعة عثمانیه .

دئف بن عبدالعزیز

۲۶۰ — ۲۶۵

— ۱۱ —

تاریخی ۲۶۰



مدورال شکل اولوب اطرافنده بربری ایچنده ایکی سطرده :  
خارجاً :

بسم الله جالية الحـرج والبرج المعتمد على الله امير المؤمنين  
داخلاً :

مما امر به الامير دئف بن عبدالعزیز سنة  
مرکزده یکدیگری مقاطع اوله رق : ستین و مایتین  
بو مهرک یازیلرین ال ایو قرائت ایدلمشدر . ارقه سنده تالک کچدیکی  
دلیک موجوددر .

قطری ۱۵

— ۱۲ —

تاریخی ۲۶۰

(۱۱) نومرولی قورشونک عینی اولوب بوزولمغه باشلامشدر .

قطری ۱۵

ناریخی ۲۶۲

— ۱۳ —



مربع الشكل اولوب خارجاً :

بسم الله جالیه الکبر | والبرج المعتمد | علی الله امیر المؤمنین | منین مامربه  
 داخل : الامیر دلف | بن عبدالعزیز سنة اثنین | وستین  
 مرکزده یکدیگری متقاطع اوله رق : وما یتین  
 قورشون بر آرز بوزولمغه باشلامشدر .

قطری ۱۶

احمد بن عبدالعزیز

۲۶۵ — ۲۸۰

— ۱۴ —

ناریخی ۲۷۲



مربع الشكل اولوب خارجاً :

بسم الله جالیه الکبر | والبرج المعتمد | علی الله امیر المؤمنین | مامربه الامیر  
 داخل : احمد بن عبدالعزیز سنة اثنین و سبعین و مائتین  
 مرکزنده برچقورلق اولوب اوراسنده یازی اولوب اولمدینی معلوم

قطری ۱۹

دکادر.



— ۱۵ —

ناریخی ۲۷۳



مربع الشکدر . خارجاً :

بسم الله جالية الصکر | ج والبرج المعتمد | على الله امير المؤمنين  
 ما امر به الامير ابوالعبا  
 داخلاً :

س احمد بن | عبدالعزيز | سنة ثلث | وسبعين ومائتين  
 مرکزنده :

العزة لله

موسيو قازانوا تاريخده « ستين » کي او قومش ايسه بعدالتطهير  
 « سبعين » اولديني تحقق ايتشدرد .  
 قورشون بوزولمغه باشلامشدر .

قطری ۱۸

— ۱۶ —

۲۷۴ برنجی



مدورال شکل اولوب یازیلار بربری ایچنده اوچ دائرهیه تقسیم اولمشدر .  
خارجاً برنجی دائرهده :

برکة جالية الکرج والبرج لسنة اربع وسبعين ومائتين  
ایکنجی دائرهده :

مما امر به الامير ابو العباس احمد بن عبد  
اوچنجی دائرهده

العزيز [ ایده ] الله العبد

مرکزده : لله

موسیو قازانلوا اوچنجی دائرهده «العزيز خلد ملکه لله» کبی قرائت  
ایتمش ایسهده بو قورشونک عینی اولان ۱۷ نومرولی مهرده ( ایده )  
کلهسی ایوجه او قونیور .

قطری ۲۰

— ۱۷ —


تاریخ و عباردهسی بالاده کی ۱۵ نومرولی مهرک عینیدر . اوچنجی  
سطرده «العزيز ایدالله العبد لله» شهبسز قرائت اولنور .  
قورشون بوزولمغه باشلامشدر .

قطری ۲۰

## العزيز (۴) بن عمر دلفی

— ۱۸ —

تاریخچه



مدورالشکل اولوب فقط یازیلر مربع طرزده اوله رق درت سطر  
کنارلرده وایکی سطر اورتده در.  
اطرافده صولدن باشلایه رق :

لایه العام  
بسم الله | — | بما امر | به الامیر | العزيز  
فو

اورتده :

بن عمر

دلفی

طری ۲۷

عبارات مذکورده شویله او قونه جقدر : « بسم الله بما امر به الامیر  
العزيز بن عمر دلفی فی ولاية العامر ». بومهرده خلیفه اسمی بولمندی  
کی تاریخ دخی یوقدر. عمرک ۲۸۵ سنه سنده وقوع وفاتیه بو عائله اجرای  
حکومتدن منقطع اولدینی جمله روایات تاریخیه دن اولوب عمرک الـعزيز  
نامنده براوغلی بولدیغنه دائر بر قیده دسترس اولنه مدی . اغلب احتمال  
نظراً الـعزيز پدرینک حیاتنده بر مأموریتله مکلف بولمندی اکلایلیور .  
« دلفی » تعبیری دخی شایان دقتدر .

## آل بویه

عمادالدوله ابوالحسن علی (۳۲۰-۳۳۸)

رکن الدوله ابوعلی حسن (۳۲۰-۳۶۶)

— ۱۹ —

تاریخی ۸ [۴] [۳]



[۱] خلیف الله امیر

[۱] المؤمنین ع

[۱] لدولة ابوالحسن

[سر] کن الدوله ابوعلی

... سنه ثما ...

.....

موزة هایون مسکوکات قواکسیونارنده آل بوییدن عمادالدوله ایله  
معزالدوله نیک مشترک سکه لری وار ایسه ده عمادالدوله ایله رکن الدوله نیک  
سکه مشترک لری موجود دکادر . مع مافیہ فرانسه مسکوکات قایینه سنده  
همدانده مضروب بر دینار بولندیغنی موسیو قازانووا سویله یور . بومهرک  
تاریخنه کلنجه یالکیز « سنه ثما [ن] » موجود اولوب قشوری کسیدکر .  
موسیو قازانووانک در میان ایلدیکی کبی ۳۳۸ سنه سی قبول اولنه ییلور .  
زیرا بر طرفدن المطیع لله ک حکومتی ۳۳۴ سنه سی ظرفنده بدأ ایلدیکندن  
۳۲۸ اوله میه جنی کبی دیگر طرفدن دخی ۳۲۰ دن ۳۳۸ سنه قدر حکومت  
ایدن ابوالحسن علی انجق ۳۳۴ تاریخنده المستکفی بالله طرفدن

( عمادالدوله ) لقبيله تلقیب قلنمشدر [۱] . بناءً عایه بوقورشونك تاریخی  
۳۳۸ دن غیری اوله ماز .

قورشونك ارقهسی قباریق اولوب تلک کچدیکی دلیک موجوددر .  
قطری ۲۴

[۱] مسکوکات قدیمه اسلامیة قنالوغی ، قسم ثانی ، صحیفه ۳۳۹ .




## آل کا کویہ [۱]

علاءالدوله ابو جعفر محمد

۳۹۸ — ۴۳۳

— ۲۰ —

تاریخی ۴۳۰



قولکسیونمزده ایکی طرفی مضروب اوله رق ایلک دفعه تصادف  
اولنان بوقورشون مدورالشکل اولوب اورته سنده درت سطرودوره سنده  
برسطر یازی وارددر .

وجہی ، مرکزنده :

الامیر الس[مد]

..... عضد

ال[دین]علاءالد

ولہ ابو جعفر

دوره سنده : ..... [اصب]مہان سنہ ثلاثین واربع[حایہ]

ظہری : طولہ طوغری متوجہ بر آتلی رسمی .

قطری ۲۰

[۱] ابن اثیر ، جلد ۹ ، صفحہ ۷۷ و ۱۹۴ . — منجم باشی تاریخی ،

بوقورشونك برعینی (یهنا) موزده سنده موجودا اولوب موسیواسه تیقل مقاله سنده تعریف ایتمش ایسه مذکور قورشونك یازیلری غایت نقصان اولدیغندن یالکز « باصهان » کله سنی اوقویه بیلمش و بناءً علیه بزم مهربك محل ضربی بوسایه ده تکمیل اولمشدر. ظهیرنده کی سوارى رسمندن طولانی موسیو استیقل اصفهان و همدان طرفلرنده اجرای حکومت ایدوب بعضاً اوزرنده سوارى رسمنی حاوی بولان ساچوقی شعبه سی مسکوکاتیه مقایسه ایدرك بوقورشونك دردنجی و یا بشنجی عصر هجری یه عائد اولدیغنی درمیان ایتمشدر [۱].

بزم مهربك مرکزنده کی یازیلر همان تمام کییدر . برنجی سطرک نهایتنده کی کله « السید » و یا خود « السند » اولسه کرکدر . ایکنجی سطرک ابتدا سنده کی کله نك نهایتی اولمق اوزره « ید » کبی برشی کورنیور . موسیو قازانوا بوسطری « المجاهد (?) عضد » کبی اوقومشدر .

مع التأسف زیاده سیله تحلل ایتمه یوز طوتمش اولان بونادر مهر ، محتوی اولدیغی عباریه نظراً اصفهان حکامی اولوب ۳۹۴ دن ۴۳۷ سنه سنه قدر دوام ایدن بنوکا کویتك برنجیمی علا الدوله ابو جعفر محمدك زماننده ۴۳۰ تاریخنده اصفهانده ضرب اولمشدر . موزة هایونده آریلوب تصنیف ایدیلا ن مسکوکات اسلامیه میاننده آل کا کویه سکلری چیقما مشدر . مع مافیه پارس ولوندره موزلرنده ودها سائر بعض قولکسیونلرده بوسکلردن موجود اولوب هیچ برنده . بوقورشون مهرده اولدیغی کبی ، سوارى رسمی بولمادیغنی موسیو قازانوا بیان ایده یور .

تعین اولنه میان قورشونلر

— ۲۱ —



مدورالشکل وایکی طرفی مضروبدر .

|      |        |             |        |
|------|--------|-------------|--------|
| عاشق | ظہری : | لہ          | رجہی : |
| حد   |        | قسیم الدولہ |        |
|      |        | حسام امیر   |        |
|      |        | المؤمنین    |        |

ظہری ۲۲

موسیو قازانوا بومہرک حاوی بولندینی اسمہ ووجہندہ کی عبارتہ  
داثر بعض تفصیلات ویرہرک برکوش کا کویہ سکہ سیلہ بالمقایسہ آل  
کا کوپہدن برینہ عائد بولنمی وظہرندہ کی عبارتہ نک دخی «عشر جند»  
کبی اوقونہ بیامسی احتمالاتی درمیان ایدہ یور . حالبوکہ «قسیم الدولہ»  
لقبہی حائر آل کا کوپہدن کیسمہ معلوم دکادر .

قورشونک ظہرندہ کی عبارتہ «عیش جند» کبی دخی اوقونور .  
بوتقدیردہ درون کیسہدہ بولنان اقچہ عسکرک دیرلکی یعنی معاشی  
اولدیغنه اشارتدر .

— ۲۲ —



مدورالشیکل اولوب یالکیز برطرفنده یازی وارددر :

محمد بن (؟)

لهرادک (؟)

دیگر طرفنده :




دروندن تل چمکه مخصوص دلیک یوقدر .

قطری ۱۸

## نذر و وفقه عائد مهرلر

— ۲۳ —



مدورالشكل وكنارلری تیرتیللیدر .

وهمزی : کوفی یازی ایله :

فسیکفیک | هم الله | بحسبی (۴)

ظہرندہ متحدالمركز ایکی دائرہ ایچندہ درت عدد کوچک یوارلقلر  
مرتسمدر .

قطری ۳۰

— ۲۴ —

مدورالشكل اولان بو قورشونك ایکی طرفیدہ کوفی یازیلر ایله  
مضروبدر .

برطرفندہ ایکی کرہ « الله احد »

اورتہدہ « لله »

دیگر طرفی اوقونہ میور .

قطری ۱۵



— ۲۵ —



مدورالشکلدر. یازیلری کوفی اولوب مختلف دائره‌لر ایچنده در .  
برطرفده :

عَلَيْهِ السَّلَامُ  
يَا مَلِكُ

دیگر طرفده :

عَلَيْهِ السَّلَامُ  
لَا إِلَهَ إِلَّا اللَّهُ

قطری ۱۷

— ۲۶ —

بالاده‌کنه مشابه اولوب یازیلری ده‌ا بوزوقدر .

قطری ۱۷

— ۲۷ —

مدورالشکلدر .

وجهی : کرفت اوله رق ثلث خط ایله :

احد صمد کیف قاف یا خفی الالطاف نجنا ممانخاف

ظہری :

هو ||||| |||

|   |   |   |   |
|---|---|---|---|
| ط | ی | ف | ح |
| ف | ح | ط | ی |
| ح | ف | ی | ط |
| ی | ط | ح | ف |

...م

قطری ۳۰

— ۲۸ —

مدورالشکل و یازیلری ثلثدر .

وجهی : عبارہ بالادہ کینک عینیدر . یازیلر دها ساده در .

ظہری : اون التی خانہ لی بر مربع اولوب خانہ لک ایچندہ ۶، ۵، ۱، ۶  
رقملری مختلف صیرہ ده ترتیب اولنمشدر .

قطری ۲۵

— ۲۹ —



قراۋتی ممکن اوله مامشدر .

قطری ۱۱

— ۳۰ —



قراۋتی ممکن اوله مامشدر .

قطری ۱۳

## (۲)

## عرب - بیزانتین طرزنده قورشونلر

عرب - بیزانتین طرزنده کی قورشون مهرلرک نه درجه نادر اولدیغنی مدخلده بیان ایتمش ایدک [ صحیفه ۶ ]. فی الواقع آتیده تعریف ایدجه کمز اون بش مهر شمدی یه قدر معلوم اولان قولکسیونلرک اک مهمنی تشکیل ایدوب بونلر کال مشکلات ایله انجق اون ایکی سنه ظرفنده جمع وتلفیق ایدیله یلمشدر .

ایلک دفعه اوله رق بو طرزده برمه ری موسیو استیقل بالاده ذکر اولنان مقاله سنده درج و تعریف ایدرک اوزمانه قدر اوروپاچه فن مسکوکات اربابنه بوکی قورشونلرک معلوم اولدیغنی بیان ایتمشدر [۱]. ایکنجی دفعه اوله رق موسیو شلومبرژه بیزانتین قورشونلرینه دائر اولان اثرنده پارس مسکوکات عتیقه قابینه سنده بونلردن بر وکندی قولکسیوننده برقاچ عدد ودوققور قارلی پاوالاکی پاشاده دخی بر عدد بولندیغنی بیان ایدرک جمعاً سکز مهر تعریف ایلمشدر [۲]. اک صکره موسیو قازانووا مقاله سنده بوسکز مه ری تکرار تعریف و نشر ایلمشدر [۳].

شمدی یه قدر معلوم اولان بو طرز قورشونلرک عددی موزة هایونده موجود اولانلر ایله برابر جمعاً یکرمی الی یه بالغ اوله یور .

بو قورشونلر بر درجه یه قدر عرب - بیزانتین تسمیه اولنان مسکوکاته مشابهدر . مسکوکات قدیمه مذکوره ارباب قنونه چوقدنبری معلوم اولوب بونلرک بر قسمی ابتدای فتوحات اسلامیه ده ابقا ایدی لان قدیم دارالضربلرده کسلمش وزمان اسلامده ضرب اولندیغنی مین بعض

[۱] صحیفه ۱۰ ده ذکر اولنان مقاله

[۲] Schlumberger, Sigillographie de l'Empire Byzantin, pg. 72

[۳] صحیفه ۱۰ ده ذکر اولنان مقاله

عبارات عربیه دخی علاوه قلمشدر . مسکوکات مذکوره علی العموم باقر اولوب کوشلری شمعی به قدر بولنماشدر و فقط التون اوله رق یالکز اوچ نسخه معلومدر که انلردن بری موزۀ هایونده محفوظدر . بوبابده غالب بک مرحوم موزۀ هایون مسکوکات اسلامیة قتالوغلرندن برنده تفصیلات لازمه ویرمشددر [۱].

بر دیگر قسمی ایسه اهل صلیب محارباتی صرمنده ویاخود قیاصرۀ روم دولتی ایله هم حدود بولنان طوائف مالوک دورنده خارجی و داخلی معاملات تجاریه نك حسن جریانی ضماننده رسمی و عربی و رومی یازیلی اوله رق ضرب اولنان مسکوکاتدر . حتی اراتقه زماننده رسمی [۲] و دانشمندیلر زماننده رسمی و بعضا صرف رومی حروف ایله محرز مسکوکات ضرب اولنمشدر [۳].

شو حال معلوم ایکن المزمه بولنان عرب - بیزانتین طرزنده کی قورشون مهرلرک اعمالی اسباب سائرده عطف ایتمکه لزوم کوریه ماز . نومرو ۳۱ ده تعریف اولنوب آل حمداندن ابوالهیجا محمدک نامنی حاوی اولان قورشون ، طبق بیزانتین طرزنده کی مسکوکاتده اولدینی کبی ، خارج ایله اولان معاملاتک تمهلی ضماننده ضرب اولدینی ومثلا حابده کی آل حمدان شعبه سی قیاصره ایله وانطاکیه روم والیاریه دائمی محاربات ومناسبات سیاسیهدده وبعضاده تجاویزی و تدافعی اتفاقدده بولندقلرندن مذکور مهرده بونلرک بروثقه سی اثری اولسی احتمال قوی بولندینی کبی امثالی مهرلرکده عین اسبابه مبنی اعمال واستعمال اولندقلری ثابت اولور . بناء علیه موسیو شلومبرژنک بوبابده سرد و بیان ایلدیکی نظریه شایان قبول اوله ماز [۴].

[۱] مسکوکات قدیمه اسلامیة قتالوغی ، قدم ثانی ، مدخل ، صحیفه کز - لز

و صحیفه ۲۳ - ۲۶

[۲] مسکوکات قدیمه اسلامیة قتالوغی ، قسم اول : مسکوکات ترکمنیه .

[۳] مسکوکات قدیمه اسلامیة قتالوغی ، قسم رابع ، صحیفه ۸۲ - ۱۰۲

[۴] صحیفه ۳۹ ده ذکرری سبقت ایدن اترده .



فی الواقع بو مهرلرده بعضاً خرسستیان اسملرینه دخی تصادف اولنه بور  
[نومرو ۴۴]. بونلرک لسان عرب ایله تکلم ایدن اهالی خرسستیانیه و بلکه  
انلرک رؤسای روحانیه سنه عائد بولندیغنده شبهه یوقدر .


وجهلرینه نظراً بوقورشونلر ایکی نوعه آریلور : برطاقنک عبارتسی  
خط کوفی ایله و دیگر طاقنده ایسه عادی خط عربی ایله [نومرو ۳۱ ،  
۳۸ ، ۳۹ ، ۴۱ ، ۴۳] محرردر .

ظهرلرینه کوره عمومیتله اوچ نوعه تقسیم اولنه ییلور : برنجی نوعده  
مریم انا یا خود بر آغیوس یعنی اعزه نصارادن برینک تصویر، ایکنجی  
نوعده یالکیز بر صلیب [نومرو ۳۵] و اوچنجی نوعده ایسه بردعای  
حاوی روجه بر عباره [نومرو ۴۳ و ۴۴] کوریلور .

کوک وجهلرینه و ککک ظهرلرینه نظراً بومهرلر ایچون بر زمان تعیینی  
غایت مشکلدور ، زیرا وجهلرنده کی عربی یازیلر پک مختلف دورلرده  
قوللانلدیغی کبی ظهرلرنده بولنان تصاویر دخی بعضاً یدنجی عصر  
میلادیدن اوننجی عصره و بلکه دهها مؤخر و قتلره قدر تطبیق اولنه ییلور .  
عرب - بیزانتین مهرلری میاننده یالکیز ابوالهیجاسمحدک قورشونی تاریخه  
مستند اولدیغندن برنجی درجهده اهمیتی حائزدر . بوکی قورشونلرک  
وباخصه تاریخه معلوم اولان ذواتک اسملرینی حاوی بولنانلرک  
عددی تکثر ایتدکجه تاریخه نصل خدمت ایده جکی بیاندن مستغنیدر .

— ۳۱ —

## آل حمدان



وېجې: [۱] بوالهيجا محمد | بن سعد الدولة | ابوالمعالي | شريف


ظھري : آغيوس ثودوروسك تصويرى

باشك ايكي طرفده : O ΘΕΩΔΩΡΟΣ

قطرى ۲۵

بنو حمدان ايكي شعبه يه آريلور. برى موصله وديكرى حلبده  
حکومت ايتمشلردر. حلب شعبه سى ۳۳۳ دن ۳۹۴ تاريخنه قدر دوام  
ايتمشدر. اشته بو مهم قورشون حلب شعبه سنك ايكنجي اميرى اولوب  
۳۵۶ دن ۳۸۱ سنه سنه قدر حکومت ايدن سعدالدوله ابوالمعالي شريفك  
اوغلى (ابوالهيجا محمد) ك نامنه ضرب اولمشدر. آل حمدانك نه سلسله  
نامه سنده ونه ده مسكوكاتنده ذكر اولنميان مشاراليهك اسمى ايلك دفعه  
اوله رق بومهرده محرر بولنيور.

— ۳۲ —



مهرک نصفی نقصاندر . تملك چکیدی دلیکدن قیرلمشدر .

دجری :

...الابن طسسار؟

...میر ابو سالم

...الدين

..ابرهیم


ظهری :

Π  
M

بر آغیوس تصویر . صاغ طرفنده

قطری ۳۲

— ۳۳ —



دجری : خط کوفی ایله

... من بو ابوالحسن ؟

... هو هو الی ... ؟

... . . . . . لمدان ؟

ظہری : میخائل آرخانگھلوس تصویر

رسمک بالاسندہ :

+ ΠΑΥΛΟΥ + ... CH [.]

M  
I

: صاغندہ


X  
A

: باشک صولندہ

بومهرک وجهنده کی عبارہ نیک برنجی سطرندہ « ابوالجیش » کی  
برکله قرائت اولنه بیابوب سائر یازیلردن برمعنا استخراج ایتک ممکن  
اوله مامشدر.

قطری ۲۷

— ۳۴ —




دجری : خط کوفی ایله  
الله  
منصور  
بن سعد  
[لعبد]

« لعبدالله منصور بن سعد »

ظہری : آغیوس غئورغیوس تصویر  
باشک صول طرفده یوقاردن اشاغی : ΑΓΙΟΣ [A]  
صاغ طرفده : [Γεώ] Ρ [γιο]

قطری ۲۰

— ۳۵ —




مدورالشکلدر. تاک کچدیکی دلیک موجوددر.

دجری : « حسین بن منصور »

ظہری : نقشار آراسنده بر صلیب.

قطری ۱۷

— ۳۶ —



مدورالشكلدر وتاك كچديكى دليك موجودر .

دېھرى : [ ؟ ] و

سلامه بنى

سعيد

ظھرى : كوكسى اوزرنده مسيح مداليونى حاوى مريم انا (پاناگيا)  
بالاخرينيسا ( تصويرى .

قطرى ۲۰

بوقورشونك برعنى موسيوشلومېرژەدە بولنوب بيزانتين قورشونلرينە  
دائر اثرنە [۱] موسيو صووۋەرك قرائتتە كۈرە ئشر ايتىش ايدى .  
بالاخرە موسيو قزانووا مذ كور مھرى نظر تديققن كچورەرك بالادە  
ذكرى سبقتايدن مقاله سنادەكى ۲۵ نومرولى مھر ايلە بالمقايىسە «عشر جند  
وقسيم الدولە» كې قرائت ايدرك ۳۱ نومرودە تعريف ايلەمشدر [۲].  
حالبوكە مذ كور مھرك عىنى اولان بزم مھردە عبارەنك «[؟] وسلامە  
بنى سعيد» اولدينى شېھە سزدر . برنجى سطرەدەكى كلەنك قرائتى مېمكن  
اولەمدى .

[۱] صحيفە ۳۹ دە ذكر اولنان كىتابك ۷۲ نجى صحيفە سى .

[۲] صحيفە ۱۰ ذكر اولنان مقاله



— ۳۷ —



مدورالشکلدر .

دېھری : خط کوفی ایله

با [ لله ]

سعید بن

شمعون

سو

ظھری : کوکسندە مسیحک مدالیونتی حاوی پاناغیا تصویری

باشک صولندە ۵۲ ، صاغندە MP

قطری ۲۰

وجھندەکی عبارتە نك بالاسندە تالك کچدیکی محل قیریلەش اولدیغندەن  
ایکینجی سطرده کی اسم ایوجه او قونە میوب « سعید » یاخود « شعیب »  
اولەبیلور . دردنجی سطرده کی « سو » کلمەسی بر تاریخ اولسە کرکدر ،  
فقط نقطەلری موضوع اولدیغندەن سنەسنی حساب ایتک ممکن دکلدر .  
مسکوکات ارتقیەدە دخی بوکی اشاراتە تصادف اولنور [۱] .

[۱] مسکوکات قدیمە اسلامیە قنالوغی ، قسم اول ، مسکوکات ارتقیە ،

— ۳۸ —



تلك كچديكى يرلرده قورشون قيرلمشدر .

• دجری •

الوانق با . .

عبدالغاف ؟

المراد ؟

ظہری :

آغیوس واسیلیوس ك تصویرى . باشك ايكي طرفنده بولمق اوزره


[ ὁ ἅγιος Βασίλειος ] ΑΙ [ος]

قطرى ۱۵

بوندن صكره كى • مهر دخى بونك عینی اولدیقندن اورایه دخى مراجعت اولته .




— ۴۰ —



وَجْهِي : عیسی بن حسن ؛  
ظَهْرِي : بر آغیوس تصویر ( یازیلاری سیما-کدر ) .  
قَطْرِي ۲۰

— ۴۱ —



تَلَك كَجْدِيكِ مَحْلَدَه يَازِي بوزوقدر .


وَجْهِي : . . ا . الفضل

ظَهْرِي : پاناغییا تصویر

قَطْرِي ۱۸

۲ نومرولی قورشونده « الفضل بن احمد » اسملری موجودر .


— ۴۲ —



دجری : عبارتہ نك برنجی و ایکنجی سطرلرینك قرائتی ممکن  
اولاد هیوب یالکیز اوچنجی سطر ( حسن ) کی او قونیور .  
ظہری : پاناغیا تصویر .

قطری ۱۵

— ۴۳ —



دجری : مؤمن بن علی ؟

ظہری :

+ KĒ

β OHΘ


ⲉ IC(Δ)

Δ σβλ.α

معنای : « یارب قولنی صیانت ایله »

قطری ۱۶

— ۴۴ —



دجیری : خط کوفی ایله : بطرس بن شعیب

ظہری :

+ KĒ  
B'Θ' T(Δ)  
C(Δ)ΔOY  
Λ(Δ)

[ Kērie boiθei tē sēp dōtēp ]

معنای : « یارب قوای صیانت ایله »


قطری ۱۴

کیرک موسیو شومبرژدنک ۴ نومرولی مہرندہ وکیرک یہنا موزدسنک  
برمہرندہ ( استیقل نومرو ۱۰ ) « بطروس » اسمی موجود اولوب فقط  
مذکور مہرلرک شباردسنی موسیو قازانووا « سمعون بطرق » کبی  
قرائت ایتک استدیور . بزم قورشونده « بطرس » کلمہ سی شہسبز  
اوقونمقدہدر .



## سریانانی خط ایله محرر

— ۴۵ —



و جهری : عبار دنك خط عربی به نقلی شویله در :

سمعون

یوحانان بره

دطیبو

ظهری : کواکسند مسیحك مدالیونتی حاوی مریم انا تصویرى.

باشك صولنده ΘΥ و داغنده MP

بویازی سریانانی عتیق طرزنده یازلمش ایسه ده صکر دلری دخی بعضاً  
بو طرزده یازیلر تقلید ایدلمش اولدیغندن مهرك زمانى بو واسطه ایله تعیین  
ایدیله میوب انجق مریم انا تصویرى اون اوچنچی عصر میلادی به دلالت  
ایتمکده در.

عین عباردی حاوی فقط (تسرا) تسمیه اولانان طوپراق اوزرینه  
مضروب برمه ر تدمرده بولنوب بارون اوستینوفك قولکسیوننه داخل  
اولمشدر [۱].

سریانانی اسانی اوزره محرر قورشون مهره ایلك دفعه اولق اوزره  
تصادف اولنه یور . بناء علیه سائر بعض لسانلرده دخی بویله قورشونلرك  
بولنه بیلمسی احتمالدن بعید دکلدر [۲].

[۱] Revue Biblique, 1903, pas. 607

[۲] موسیو شایومبرزه قورشونلره دأثر اثرنده [صحیفه ۷۶] برسیلك

قورشون مهرك عباره سنك عبرانی لساننده اولسی احتمالی سوبله یور .

(۳)

## عثمانی قورشونلری

سلاطین عظام عثمانیه حضرتانک نام هایونلرینه مضروب اولوب  
 قدیمًا کیسه و بوغچه لرك آغزینی تمهیر ایتککه مخصوص اولان قورتون  
 مهرلر ایلاک دفعه اولدوق غالب بکک « تقویم مسکوکات عثمانیه » سی  
 واسطه سیله فن مسکوکات عتیقه اربابنه معلوم اولمشدر . اثر مذکورده  
 بو قورشونلردن سکنر عدد موجود اولوب آنارده دائر برخیلی معلومات  
 دخی مندرجدر . اوزماندن بری بعض ارباب مراق و انتیقه جیلر یدنده  
 مذکور قورشونلردن تک توك کورلمکده اولدینی کی بعض اوروپا موزهلرند  
 دخی بولندینی استخبار اولتمکده در . موزة هایونده شمعدی یه قدر  
 طوبانان قورشونلرك عددی یکرمی بشه بالغ اولمشدر که آتیده بعضیلری  
 رسماريله برابر مختصر آ تعریف اولنه جقدر . بو مهرلرك الک اسکیلاری  
 سلطان یازید خان ثانی حضرتلرینک واک یکیمسی سلطان ابراهیم خان  
 حضرتلرینک زمان سلطنتلرینه تصادف ایده یور . مع مافیه دهاسکره لری  
 دخی قورشونله مق اصولی جاری اولدینی شهیدن وارسته در . غالب بکک  
 قتالوغنده فضل اولدوق برده سلطان محمد خان ثالث حضرتلرینک نام شاهانه لرینه  
 مضروب بر قورشون موجوددر . بو مهرلرك عباراتی علی الاکثر  
 عائد اولدقلری زمانلرك سکهلری عبارات و یازیلرینه مشابه اولوب انحق  
 قالبلرك قطارلری بعضاً آز برشی تخلف ایده یور .

محل ضربلرینه کلنجه شمعدی یه قدر « قسطنطنیه » و « طرابلس »  
 و برده « سامور » دن بشقه سنه دسترس اولنه مامشدر . تقویم مسکوکات  
 عثمانیه ده اشبو « سامور » محل ضربی حاوی فقط بوزوق و نقصان اولدوق  
 ایکی قورشون موجوددر . عین محل ضرب موزة هایون قولکسیوننده  
 یدى مهرده پک کوزل او قونیور .

فی الواقع وهله اولاده سیسام جزیره سنک اسم قدیمی اولمق اوزره «ساموز» کبی اوقونه بیلور. مؤلفین عربک بعضلارنده «سامس» کبی یازلدیغی ده واردر [۱]. فقط مؤلفین عثمانیه نك اسکیلارنده بیله «صوصام» و «سیسام» تعبیرلرندن بشقه سنه تصادف اولنه مامشدر و برده بو طاقم مهرلرک حاوی اولدیغی کله لرک کافه سنده نقطه لر موجود اولدیغی حالده سامور کله سنده کی (ر) حرفنک اوزرنده نقطه بولنامسی «سامور» کبی اوقونه جغنه دلیل اوله بیلور.

فقط مسکوکات عثمانیه میاننده شمدی یه قدر بویه بر محل ضرب معلوم اولدیغندن «سامور» نامیله معروف بر محاک تحریسنی اقتضا ایتدیرمشدر. بواسمه بر قصبه یه جغرافیا کتابارنده تصادف ایدلمیور. انجق مسکوکات عثمانیه ده محل ضرب اوله رق «ضرب فی اردوی هایون» دیه مضروب سکیلر موجود اولدیغندن و «سامور» ک دخی بروقه مهمه ایله شهرت بولمش بر موقعک اسمی اولمسی احتمالی بولندیغندن داغستاندن جریان ایدن «سامور» نه ری وارد خاطر اولمشدر [۲].

اشبونهر قفقاسیه نك داغستان قطعه سی شمالنده کی یماجلردن نبعان ایدوب شرقه طوغری قیوریلدقدن صکره دربند قصبه سنک جنوبنده بحر خزرده منصب اولور. اشته بونهرک کنارنده ۱۵ جمادی الاول ۹۹۱ تاریخنده بر محاربه عظیمه وقوعبولمشدر که اوز دمیر اوغلی عثمان پاشا طرفندن امام قولی خانک ایران اردوسی تمامیه منهزم اولمشدر. وبوجنک «مشعله صواشی» نامیله کتب توارینخده وقایع مشهوردن اوله رق مندرجدر. پاشای مشارالیه بر چوق محاربات مهمه دن صکره درعلیه عودتله ۹۹۲ ده ینه اولجانبه کوندولمش و ۹۹۳ ده تبریزی فتح ایلدکن صکره سنه مزبورده ذی القعدة سنک بشنده اجل موعودیه ارتحال داربقا ایلمشدر.

[۱] یاقوت، معجم البلدان. لایسینغ طبعی، جلد ۱، صیغه ۲۱.

[۲] محررین عثمانیه دن نجیب عاصم بک افندینک بوباده واقع اولان اخطاراتنه بالخاصه تشکر ایدرز.

اردوی هایون دربند و حوالایسند خیلی وقت دها قالمشدر. حتی  
 دربندوشمانخی قصبه لرندده مضروب مسکوکات عثمانیه دخی کورلمشدر. اشته  
 بوقورشونلرده اوقونان « سامور » محل ضربی سامور نهری جوارنده  
 ارام ساز اولان اردوی هایون ایچون حاک و ترتیب ایدلمش اوله جغنده  
 شبهه یوقدر. ایلاک دفعه اوله برق بواسطه سکه هایون قابنده اوله برق  
 ظهور ایدیشی فن مسکوکات عثمانیه ایچون برنجی درجه ده اهمیتی حائزدر  
 وایلروده بومحل ضرب ایله بعض سکه لارک دخی بولنمسی احتمالدن بعید  
 دکلدر .

سلطان بايزيد خان تانى

۸۸۶—۹۱۸

— ۴۶ —



قسطانچىيە

تارىخى ۸۸۶

ظھرى : سلطان بايزيد  
 وجرى : عز نصره ضرب  
 قسطنطنيه [سنه ۸۸۶] [۸]

تلك كچدىكى يردە ظھرى بر آرز بوزولمشدر.

يازينك قطرى ۲۲

— ۴۷ —

بالادە كينك عىنى اولوب تل كچدىكى محامدە ايكيە قيريامشدر . فقط  
 تارىخى ۸۸۶ تامامىيە موجوددر .

قطرى ۱۲

— ۴۸ —

۴۶ نومرونك عینیدر ، فقط یاریسی نقصاندر . یازیار دها اینجه  
وحجمی دها کوچکدر .

قطری ۲۱


بالاده کی قورشونلرک اوچیده لوحه اولهرق تلک اوزرینه  
قیوریلدقدن صکره ضرب اولمشدر .



سلطان سلیمان خان اول

۹۲۴ — ۹۲۶

— ۴۹ —



قسطنطنیه

تاریخی ۹۲۶

|          |        |        |         |
|----------|--------|--------|---------|
| نصره     | ظہری : | سلطان  | رجہزی : |
| عز ضرب   |        | سلیمان |         |
| قسطنطنیه |        | بن شاه |         |
| س-----   |        | ایم    |         |
| نه       |        | شاه    |         |
| ۹۲۶      |        |        |         |

قورشون ، لوحه اولارق قیویرلدقدن صکره تله اوزرینه ضرب اولتمشدر . تله پارچهلری موجوددر .

قطری ۱۳

— ۵۰ —

بالاده کینک عینی اولوب وجهی قسماً بوزوقدر .

قطری ۱۳

— ۵۱ —

۴۹ نومرونك عینی اولوب تل برقاچ کردلر قورشونه طولانديغندن  
يازیلری قسماً بوزوقدر.

قطری ۱۳

— ۵۲ —



عن ندره

ضرب

قسطنطنیه

سنه

۹۲۶

ظہری :

سلطان

شاه

سلیمان

شاه


بن سلیم

وجہی :

حجمی غایت ایجہ در. قورشونك اولجه تام مربع اولدیغی اکلاشیایور.

قطری ۱۵

— ۵۳ —



نصره  
عن ضرب  
—  
قسط: طنبیه  
.....


ظہری :

دجری :  
سلطان  
سلیمان شاہ  
بن سلیم خان

یووارلق بر قورشونہ ضرب اولمشدر .

قطری ۱۳

— ۵۴ —



عن نصره  
ضرب  
قسط: طنبیه  
۹۲۶  
سنة

ظہری :

دجری :  
سلطان  
سلیمان  
بن خان  
سلیم

قورشون غایت ایجہ ویووارلق اولہرق مضروبدر .

قطری ۱۲

— ۵۵ —



رهبري : سلطان  
 سامان  
 بن سام  
 خان

اغزا نصره  
 ضرب  
 قسطنطينيه  
 سنه  
 ۹۲۶

قورشونك حجبي و يازياري ايخچدر و درونندن كچن تل قسماً  
 موجوددر.

قطري ۱۵

— ۵۶ —

بالاده كينك عيئيدر. ظهرينده « عز نصره ضرب الخ » تماماً اوقونيور.  
 قطري ۱۵

— ۵۷ و ۵۸ —


بوايكي قورشون بالاده كي ۵۵ نومرولى قورشونك عباراتى حاوى  
 فقط يازياري آزر قلايدر و حجملى قالىن اولمغله برابر تلاك كچىدىكى  
 يرلرده دليكار حاصل اولمشدر. ۵۷ نومرونك تاريخى سىلك ايسه ده  
 ۵۸ نومروده ۹۲۶ سنه مى تماميله اوقونمقدهدر.

قطري ۱۲

سلطان سلیم خان ثانی

۹۷۴ — ۹۸۲

— ۵۹ —



قسطنطنیه

تاریخی سیلکدر

|          |   |      |   |           |
|----------|---|------|---|-----------|
| عز نصره  | : | ظہری | : | سلطان     |
| ضرب      | : | ظہری | : | سایم      |
| قسطنطنیه | : | ظہری | : | بن سلیمان |
| ....     | : | ظہری | : | خان       |

یازیلری بوزوق وتاریخی بتون بتون سیلکدر. درونندن کچن تل  
محافظه اولمشدر.

غالب بکک قتالوغندہ تعریف اولنان قورشونک ظہرنده « خادملکہ  
ضرب قسطنطنیه ۹[۷]۴ » محرددر.

قطری ۱۳

— ٦٠ —



رجهری : فلانس  
طر باس  
ظهری : مدور و چچك كبی گرفت اولقی  
اوزره درت کره « خان »

سـنـه

٩٧٤

قطری ١٢

رسمندن کوریلدیکی وجهله بوعجایب مهرک قرائتی پک مشکلدیر .  
مع مافیة تاریخی کوزلجه اوقوندیغندن سلطان سایم خان نانی حضرت تلرینک  
زمان سلطنتلرنده ضرب اولندیغنده شبهه یوقدر .




« فانس طرباس » عباره سنک قرائتی موزده هایون قولکسیونلرنده  
بولنان برطرفی یالکیز چچکلی بعض باقر سکلر تأییدایده یور . مقایسه ی  
قولای اولقی اوزره رسمی بورایه درج اولمشدر .



سلطان مراد خان ثالث

۹۸۲ — ۱۰۰۳

— ۶۱ —



قسططنیه

تاریخی ۹۸۲

رجبزی : سلطان مراد  
[ بن سلیم ] خان  
ظہری : [ عز ] نصرہ  
[ ضر ] ب  
قسططنیه

سینہ

۹۸۲

قورشون اینجہدر و مرکزینہ طوغری برپارچہسی نقصاندر .

تطری ۱۴

— ۶۲ —



سامور

تاریخی ۹۹۳

سلطان مراد  
(سامور ۹۹۳)

ظہری :

بن سلیم . . . .

سلطان

وہجہ :

مراد بن

سلیم خان

« سامور » محل ضربی حقتندہ تخیفہ ۵۵ دہ بعض مطالعات بیان  
اولمشدر .

ظہری : ۱۰

— ۶۳ —



قورشونک نصفی قیریق ویازیسمزد.

وہجہ : ۶۲ نومرونک عینیدر . ظہری : . . . .

سامور ۹۹۳

بن سلیم خان ضرب

بو قورشون ۶۲ نومرولی مہرک ظہری اتمام ایده یور .

ظہری : ۱۰

— ۶۴ —

وجہی : سیلکدر . ظہری : .....  
( سامور ۳۰۰ )

بن سیم خان ۰۰۰

قطری ۱۵

— ۶۵ —

وجہی : ۶۲ نومرونک عینیدر . ظہری : سلطان ۰۰۰

( سامور ۰۰۰ )

بن سلیم ۰۰۰

قطری ۱۵

— ۶۶ —



وجہی : کاملاً سیلکدر . ظہری : نصرہ  
عن ضر

سامور ۰۰۰

فی

۹۹۳

۰۰۰۰

قطری ۱۴

— ۶۷ —

وهری : ۶۲ نومرونك عینیدر .

ظهری : ۶۶ نومرونك عینیدر .

آز سیاکدر قطری : ۱

— ۶۸ —



وهری : ۶۲ نومرونك عینیدر .

ظهری : عن نصره

ضرب

فی

سـامور

سـینه

....

قطری ۱۱

دروندن متمد تلار کچمشدر .

— ۶۹ —

تاریخ و محل ضربی سیلک اولان

درجی : ۲۲ نومرونک عینیدر :

ظہری : مدور اولہرق محرز ایسہده « عن نصرہ ضرب » دن  
غیری عبارات سیلکدر.


یازیسی مدور اولہرق ایلک دفعه بومہرده کورلمشدر.

قطری ۱۴

سلطان ابراهیم خان

۱۰۴۹ — ۱۰۵۸

— ۷۰ —



قسط: طنبیه

تاریخی سیلکمر

و جری : بر طغرا ایچنده : سلطان ابراهیم بن احمد خان

قرری : خلد ملکه

(ضرب)

قسط: طنبیه

.....


سلطان ابراهیم خان حضرت تارینک نام هایونلرینه ضرب اولسان  
بومهر ایلاک دفعه ظهور ایلدیکی کبی علی العموم طغرا لی قورشونلرک دخی  
برنجیسیدر. خاقان مشارالیه حضرت تارینک اقیچه لری قالبنده در .

قطری ۱۶



## فهرست

| صفحه |                                |
|------|--------------------------------|
| ۶    | مدخل                           |
| ۱۰   | عرب قورشونلری                  |
| ۱۲   | خلفای عباسیه زمانی             |
| ۲۱   | آل ابی دلف                     |
| ۲۹   | آل بویه                        |
| ۳۱   | آل کا کویه                     |
| ۳۳   | تعیین اولنه میان قورشونلر      |
| ۳۵   | نذر و وفقه عائد قورشونلر       |
| ۳۹   | عرب - بیزانتین طرزنده قورشونلر |
| ۵۴   | عثمانلی قورشونلری              |
| ۵۷   | سلطان بایزید خان ثانی          |
| ۵۹   | سلطان سلیمان خان اول           |
| ۶۳   | سلطان سلیم خان ثانی            |
| ۶۵   | سلطان مراد خان ثالث            |
| ۷۰   | سلطان ابراهیم خان              |



فیاتی ۱۰ غروشد